

Esitadasi **Di mpátiri tō tì náàntì**

Esitadasi nè Næemii de kó yepáte yedé ti náá nSifube bè do pĩmú bè kékònnè Babidònni kè bèè konní be èi Sedisademmu, be kó tináàntì nti.

Tìi wàri de kó yepáte yedé ye mieke tìi dōò tìnti yebie ntekòutè mieke. Esitadasi kó dipátiri ti náá mPeresi tenkè kóo kpààti Siduusi pāmè mme kuce meketimè Sifube kè bè konní Sedisademmu. Bè do konní kékété kémaá diwūōtōnni ndi bè do feu dè iwūō Kuyie, de kó difōnkúò yebie mmayè kè bèè maá Kuyie ncīētè Dadiyuusi tu dii mōnni okpààti (5:1-2). Asee nè Sakarii bè tu dii mōnni ndi Kuyie mpāānāàntì náām̀bè. Kè dendee pēētè kè Peresi tenkè kóo kpààti Aditakisii tō Esitadasi wèè do tú ikuó niùtì nè i wāàti Sedisademmu, kòo yáúkūnne benitibè kōnti Kuyie mbáámmù bíékè.

Di mpátiri náàntì duó ke dōmmè

1. Okpààti duómmè dinùù Sifube kè bè bo kò nkémaá Kuyie ncīētè 1
2. Sifube bèè kò nKuyie ncīētè kó mumarimù 2
3. Bè íimmè Kuyie mbáámmù 3
4. Be dootitòbè kó tináàntì kéntò kētuokenè bè baámmè diyentébanni 4-6
5. Esitadasi pĩ mmùù tōmmù 7-10

Okpààti Siduusi duómmè dinùù kè Sifube bo kò nkémaá Kuyie ncīētè

¹ Pɛrɛsi tenkè kóo kpààtì Siduusi kpàtì benni ketirì miɛkɛ kè ti Yiè nKuyie nní ndó kédòò kù do nàké tì ku pããnáãntì náãntò Sedemii kòò tì wàri. Mɛm̀mɛ ti Yiè nKuyie mbenkɛmè okpààtì Siduusi ò dò nkédòò tì kòò tì wàri, kɛpĩɛkɛ kɛ dò: ² Ti Yiè nKuyie nkùù bo kɛĩnkè kuù n duó nyekpààtiyɔ yemɔu kutenkù kè n yè baké. Kuù n nàké kɛ tú n kù maá tɛɕĩɛtè Sedisadɛmmu Sudaa tenkè miɛkɛ. ³ Dɪndi bèè kó dimàà tu ku kɔbɛ kù ndi bonè kè di kɔtɛ Sedisadɛmmu Sudaa tenkè kè kù maá tɛɕĩɛtè. Kuyie nyIsidayɛribɛ tũ nkù bo Sedisadɛmmu nwe. ⁴ Isidayɛribɛ bo yèè kàrè kɔbɛɛ yíé timátì pɛítì nè mɛsɔɔ nè tinentì nè iwũɔ kè bè pãnè yepãrè bɛ yèmmè kpɛyɛ ti Yiè nKuyie nɕĩɛtè marimù kpéi nSedisadɛmmu.

⁵ Mɛm̀mɛ Sudaa wuɔ nkɔbɛ kó bɛkótíbè nè Bensamɛɛ kɔbɛ nè ikuó niùbè nè Defiibɛ Kuyie nnapɛ bèè kó mɛyèmmè kè bèè íté kɛbáátí kɛ bo kò nSedisadɛmmu kɛmaá ti Yiè nKuyie nɕĩɛtè. ⁶ Kè bɛ pɛɛtitɔbèè bè teennè mɛsàà nké bè pãmmú timátì pɛítì nè mɛsɔɔ nnè tinentì nè iwũɔ nè tinentì tɛtì tii donku yóù, bè í nkàannè ketíkɛ bèè dó kɛpã nè bɛ yèmmè bɛ kó yepãrè.

⁷ Dɛ kó difɔnkùò kòò kpààtì Siduusii duó nkè bèè dennɛní ti Yiè nKuyie nɕĩɛtè kó tinentì okpààtì Nebukannesaa do tùóté tì kɛtanné o bɔɔɕĩɛtè. ⁸ Kòò duó nkè odítisɔnniwè Mitidedati tì dennɛní kɛkaa nké tì duó nSudaa kɔbɛ kóo kpààtì Sebasaa. ⁹ Ntɛ bè do kàa ndɛ kó tinentì kè tì mmàmè: Mɛsɔɔ nyɛbɔ sipísitàãti, timátì pɛítì yɛbɔ tekɔupíítè (1000), yɛsɛ sipísidè nè yèwɛi. ¹⁰ Isɔɔbòòkɛ sipísitàãti, timátì pɛítì ibòòkɛ isààyi tekɔupíítè (1000), itɛi ìì kó kuwen-

niku í ì mǎnnè sikǎusìnàà nè tɛpíítè (410) nè titɛtì tɛkǎupíítè (1000). ¹¹ Kè bèè tì bàtɛ tísǎnɛntì nè timátì pèítì kɛtì kè tì rǎbo sikǎupísìnùmmù nè sikǎusìnàà (5400), kè Sebasaa ndè tǎ ðɛmǎu bè iti ðii mǎnnì kɛ kũnti Sedisadɛmmu.

2

Sifubɛ bèè do kò nSedisadɛmmu bè do mamè

¹ Ntɛ Isidayɛɛribɛ do ité Babidǎnni okpǎàtì Nɛbukannɛsaa do pǎrǎmù bè kè bè ntú tidaatì o ciɛ, kéíté kékonní Sedisadɛmmu Sudaa tenkè bá wè kòo kari o ɛì. ² Ntɛ bèè do bè ni bɛ yètè: Sodobabɛɛdi nè Sosuwɛɛ nè Nɛemii nè Sedayaa nè Ededayaa nè Maadosee nè Bidisanni nè Misipaadi nè Bikibaii nè Deummu nè Baana.

Bèè naàmùntì tu tii:

³ Padosi kó kunaàmùnkù kǎbɛ do bo sikǎupísìdè nè tɛkǎùtè nè sipísìyiekè nè bèdébè mbɛ (2172).

⁴ Kè Sefatia naàmùnkù rǎbo sikǎusitǎātì nè sipísìyiekè nè bèdébè (372).

⁵ Kè Adaa naàmùnkù kǎbɛ rǎbo sikǎusìyiekè nè sipísìyiekè nè bènùmmù (775).

⁶ Kè Pasati-Mǎabu naàmùnkù kǎbɛ rǎbo sikǎupísìdè nè sikǎusini nè tɛpíítè nè bèdébè (2812), Sosuwɛɛ nè Soabu bɛ yaábì nyi.

⁷ Kè Edammu naàmùnkù kǎbɛ rǎbo tɛkǎupíítè nè sikǎusìdè nè bènàà (1254).

⁸ Kè Satuu naàmùnkù kǎbɛ rǎbo sikǎusìwɛi nè sipísìnàà nè bènùmmù (945).

⁹ Kè Sakaii naàmùnkù kǎbɛ rǎbo sikǎusìyiekè nè sipísìkuà (760).

¹⁰ Kè Bani naàmùnkù kǎbɛ rǎbo sikǎusìkuà nè sipísìnàà nè bèdébè (642).

- 11 Kè Bɛbɛɛi naàmùnkù kɔbe mbo sikɔusikuò nè sipísìdé nè bètããti (623).
- 12 Kè Asikadi naàmùnkù kɔbe mbo tekɔupíítè nè sikɔusìdé nè sipísìdé nè bèdébè (1222).
- 13 Kè Adonnikammu naàmùnkù kɔbe mbo sikɔusikuò nè sipísikuò nè bèkuò (666).
- 14 Kè Bikibaii naàmùnkù kɔbe mbo sikɔupísìdé nè sipísìnùmmù nè bèkuò (256).
- 15 Kè Adinni naàmùnkù kɔbe mbo sikɔusìnàà nè sipísìnùmmù nè bènàà (454).
- 16 Kè Ateɛ naàmùnkù kɔbe Esekiasi yaábí mbo sipísìwei nè bèni.
- 17 Kè Besaii naàmùnkù kɔbe mbo sikɔusitããti nè sipísìdé nè bètããti (323).
- 18 Kè Yoda naàmùnkù kɔbe mbo tekòùtè nè tepíítè nè bèdébè (112).
- 19 Kè Asummu naàmùnkù kɔbe mbo sikɔusìdé nè sipísìdé nè bètããti (223).
- 20 Kè Kibaa naàmùnkù kɔbe mbo sipísìwei nè bènùmmù.
- 21 Kè Betideɛmmu kó tɛheitè kɔbe mbo tekòùtè nè sipísìdé nè bètããti (123).
- 22 Kè Nɛtofaa kó tɛheitè kɔbe mbo sipísìnùmmù nè bèkuò.
- 23 Kè Anatɔti kó tɛheitè kɔbe mbo tekòùtè nè sipísìdé nè bèni (128).
- 24 Kè Asimafeti kó tɛheitè kɔbe mbo sipísìnàà nè bèdébè.
- 25 Kè Kidiati-Yeadimmu nè Kefidaa nè Bedɔti de kó yɛhekè kɔbe mbo sikɔusiyiekè nè sipísìnàà nè bètããti (743).
- 26 Damaa nè Kebaa kè de kó yɛhekè kɔbe mbo sikɔusikuò nè sipísìdé nè òmáà (621).
- 27 Kè Mikimasi èi kɔbe mbo tekòùtè nè sipísìdé nè

bèdébè (122).

²⁸ Beteedi nè Aii kè de kó yehékè kàbe mbo sikousidé nè sipísidé nè bètããti (223).

²⁹ Kè Nèbo kó tēheitè kàbe mbo sipísìnùmmù nè bèdébè.

³⁰ Kè Makibisi èi kàbe mbo tekòutè nè sipísìnùmmù nè bèkuò (156).

³¹ Kè Edammu tòu kó kuṇaàmùnkù kàbe mbo tekoupiítè nè sikousidé nè sipísìnùmmù nè bènàà (1254).

³² Kè Adimmu naàmùnkù kàbe mbo sikousitàãti nè sipísidé (320).

³³ Dòdi èi nè Adidi nè Onṇṇ kè de kàbe mbo sikousiyiekè nè sipísidé nè bènùmmù (725).

³⁴ Kè Sedikoo èi kàbe mbo sikousitàãti nè sipísìnàà nè bènùmmù (345).

³⁵ Kè Sennaa èi kàbe mbo sikoupiísitàãti nè sikousikuò nè sipísitàãti (3630).

³⁶ Kè ikuó nìùbè Yedaya naàmùnkù kàbe Sosuwee yaabí mbo sikousiwei nè sipísiyiekè nè bètããti (973).

³⁷ Kè Imee naàmùnkù kàbe mbo tekoupiítè nè sipísìnùmmù nè bèdébè (1052).

³⁸ Kè Pasuu naàmùnkù kàbe mbo tekoupiítè nè sikousidé nè sipísìnàà nè bèyiekè (1247).

³⁹ Kè Adimmu naàmùnkù kàbe mbo tekoupiítè nè tepíítè nè bèyiekè (1017).

⁴⁰ Defiibe nè Sosuwee nè Kadimiēdi Odafia kè be yaabí mbo sipísiyiekè nè bènàà.

⁴¹ Kè Asafu naàmùnkù kàbe mbo tekòutè nè sipísidé nè bèni (128) beè do tú bedèmbè Kuyie nciētè mieke.

⁴² Sadummu nè Ateε nè Tadiməə nè Akubu nè Atita nè Sobaii beè kó ibí do tú bèè bàa Kuyie nciḗtè kó yeβòrè kè bè mbo tekàùtè nè sipísitàāti nè bèwei (139).

⁴³ Tisisa nè Asufa nè Tabaəti beè kó tinaàmùntì kəbe do pī mmutōnyəðmmù Kuyie nciḗtè miεke, ⁴⁴ nè Kedosi nè Siyaa nè Padonni be naàmùntì kəbe, ⁴⁵ Debannaa nè Akaba nè Akubu be naàmùntì kəbe, ⁴⁶ Akaabu nè Sammudaii nè Annani be naàmùntì kəbe, ⁴⁷ Kidedi nè Kasaa nè Edaya be naàmùntì kəbe, ⁴⁸ Edetisinni nè Nεkoda nè Kasammu be naàmùntì kəbe, ⁴⁹ Usaa nè Pasiyaa nè Besaii be naàmùntì kəbe, ⁵⁰ Asina nè Meunimmu nè Nefusimmu be naàmùntì kəbe, ⁵¹ Bakibuku nè Akufa nè Aduuri be naàmùntì kəbe, ⁵² Basiduti nè Mεyida nè Adisa, ⁵³ Badikosi nè Sisedaa nè Tamasi be naàmùntì kəbe, ⁵⁴ Nesiasi nè Atifa be naàmùntì kəbe.

⁵⁵ Sadoməə kó betōmbè kó tinaàmùntì kəbe do tú: Sotaii nè Sofedeti nè Peduda be naàmùntì kəbe, ⁵⁶ Yaada nè Dadikonni nè Kidedi be naàmùntì kəbe, ⁵⁷ Sefatia nè Atidi nè Pokedeti-Asebaimmu nè Ami be naàmùntì kəbe.

⁵⁸ Beməu kè bèε wēnné kémbə sikəusitàāti nè sipísìwei nè bèdébè (392).

⁵⁹ Bèè do itè Babidənni kékò nSedisadεmmu kε í nna kénáké weti weti kébenke bè tumè Isidayεεribe. Bèè do bonní bè mbe Tedi-Mεdaa nè Tedi-Adisaa nè Kedubu nè Adanni nè Imεε. ⁶⁰ Dedaya nè Tobiya nè Nεkoda be naàmùntì kəbe mbe kè bè mbo sikəusikuə nè sipísìnùmmù nè bèdébè (652).

⁶¹ Ikuó nìùbè miεke kè bèmabè mbo: Obayaa nè

Akikoti nè Badisidaii be naàmùntì kòbe. Badisidaii do tùóté onitipòkù mǎu nwe kòò tu Kadaadi èi kou, kòo tùóté de kó diyètìrì. ⁶² Kè bèe wammú o botí kó diyètìrì kémónté, ké bè bàa ikuó tómmú. ⁶³ Kè kùmándáà bè bàa ke dǎ bè báá di bè pǎ mùù dii Kuyie kénkémúnè ikuó niùti bo beémme Kuyie nnè ikuó nenti bè tu ti udimmu nè tumimmu.

⁶⁴ Bemǎu kè bèe wēnné kémbo sikǎupísìnàà nè sikǎupísidé nè sikǎusitǎāti nè sipísikuò (42360), ⁶⁵ ke né mbúútí tidaati nè benitipotǎmbè kè bembè mbo sikǎupísìyiekè nè sikǎusitǎāti nè sipísitǎāti nè bèyiekè, (7337) kè benitidadembè nè benitipodembè, kè bembè mbo sikǎusidé (200). ⁶⁶ Kè sisēī mbo sikǎusìyiekè nè sipísitǎāti nè sikuò (736), sǎmmarímú nè sisēī dè wēnné ke peité si kè si mbo sikǎusidé nè sipísìnàà nè sinùmmù (245). ⁶⁷ Kè yòyóbè mbo sikǎusìnàà nè sipísitǎāti nè bènùmmù (435) kè sǎmmarímúbè mbo sikǎupísikuò nè sikǎusìyiekè nè sipísidé (6720).

⁶⁸ Bè tùòke dii mǎnni Sedisademmu ti Yiè nKuyie nǎǎtè kó dihei kè be cǎi kó bekótìbè mabèe pǎmmú be yèmmè kó yepǎrè kè bè bo wēte kémaánè Kuyie nǎǎtè te fǎtìrì. ⁶⁹ Kè bèe pǎ be wērímú mǎmè kè de kó yepǎrè mbo yesǎwèrè sikǎupísìkuò nè tekǎupítè (61000), medítìbii sikǎupísìnùmmù (5000), yekǎutèyaàbòrè tekǎùtè (100).

⁷⁰ Ikuó niùbè nè Defiibe nè betǎbè bèè tu bedèmbè nè bèè bàa Kuyie nǎǎtè kó yebòrè nè bèè tu betǎmbè te mieke, kè bèe kari yehèkè bè bè duó nyè kè Isidayeeriibe sǎmbèe kari be ekè bè do te yè nè dimǎnni.

3

Sosuwee nè Sodobabεedi bè wε̄te ke ùmmè Kuyie mbáámmù

¹ Dibenni tánkù yiénwè miεke ke sǒ nyIsidayεεriβε kàri be εkè ke dèè. Kè bèε wε̄nné dinùù òmáà kétéí nSedisadεmmu. ² Kè Yotisadaki bire Sosuwee nè o tebíi ikuó niúbè tǎbè nè Sodobabεedi Seditieri bire nè o tebíi kè bèε íté kémaá diwũǎtǎnni Kuyie nyIsidayεεriβε tũ nkù kpéi nke bo kù fié iwũǎ kù do duó nyii kuó ku kóo tǎnti Mǎyiisi kòo ì wǎri ì yē ndè ndómmè. ³ Bá nè bè do me ndémè dihei yembè kè bèε wε̄te kémaá ti Yiè nKuyie ndiwũǎtǎnni ò do bo òi fǎtǎri kǎfié iwũǎ, dikũnweñni kpɛyi nè kuyuoku kpɛyi. ⁴ De kó difǎnkúò kébaá ntítouti kó dibanni tì wǎri ke yémme kǎfié Kuyie nyiwũǎ bè do ò nké ì fiémè, dibanni kó yewe miεke bá òi yìè nè òi kó iwũǎ ì ò nkémamè, ⁵ kǎfié bè ǎǎ fié ì bá òi yìè kǎtuǎ, kǎfiénè otánkù pǎnwè kó dibanni kpɛyi nè ti Yiè nKuyie nkó yebaa nteyè kpɛyi. Ke né mbúúti be yémme kó yepǎrè bè do kù pǎmmú yè. ⁶ Otánkù yiénwè kó diyiè ketiri kè bèε keté bè bo nfeumè ti Yiè nKuyie nyiwũǎ ke tuò mbá bè mu nyí òú ti Yiè nKuyie ncǎtè kó dipũ.

⁷ Kè bèε yietí idiítí betǎcǎbè nè bedayaabè, kéduó ntidiiti nè menaà nnè mekùò nSitǎǎ nè Tiiri èi kǎbe kè bè bo kǎte Dimaa kéwaá ndetekperè kó ideí ké ò tannéni òaméèrì, kè òe cúté Safaa èi. Peresi kóo kpǎtǎti Siduusi weè do bè duó ndinùù kè bèε mè òò. ⁸ Dibenni dérinni do ndi nè bè tũkémè Sedisadεmmu Kuyie ncǎtè borè otánkù

odérì miεke. Kè Sedobabεedi Seditieri birε nè Sosuwee Yotisadaki birε nè be tebiù nè ikuó niùbè nè Defiibe nè Isidayεeribe sɔmbε bèè do konní Sedisadεmmu, kè bèε keté mutōmmú. Bè do tããtè Defiibe miεke nke bedapàmbè bèè màke yεbie nsipísidé sidé kéntɔ ke deètìnko, kè bè nni ti Yiè nKuyie ncĩètè kó mutōmmú. ⁹ Mεm̄mε Sosuwee nè o bí nè o tebiù Kadimiεdi nè o bí nè Odaya kó ibí, kè bèε wεnné dinùù dìmáà kénni Kuyie ncĩètè kó betōmbè kè Enadadi naàmùnkù kɔβε Defiibe mbè teénné.

¹⁰ Bemaribè dɔú ndì m̀nnì ti Yiè nKuyie ncĩètè kó dipũ kè ikuó niùbèε dáátí ikuó yààtì kénheu siheú, kè Defiibe Asafu naàmùnkù kɔβεε túóté tikāpentì ke bo sãntenè ti Yiè nKuyie, Dafiti Isidayεeribe kóo kpààtì do tì wàri ke yε ndè ndōmmè.

¹¹ Kè bè ndiè ke sãntí ti Yiè nKuyie nke kù dɔúnnè mutōmmú kè betòbè còú nke tú kù wennimu ke dó Isidayεeribe sãã. Kè benìtìbè bemou yíútí ke sãntí ti Yiè nKuyie mbè dɔú mmèè kpéí ku cĩètè kó dipũ.

¹² Kè ikuó niùbè kusũkù nè Defiibe kusũkù bèè kòté ke do yà Kuyie ncĩètè ketitè, kè bεmbe nti yedabùò mbè dɔunko dì m̀nnì ti Yiè nKuyie ncĩètè kó dipũ, kè betòbè biε yíútí. ¹³ Bè í nna ke bàte iyútii nè yedabùò, dè do yiè ke détirí mediε mme.

4

Sifube dootitòbè do dómè kécónné mutōmmú

¹ Kè Sudaa kɔβε nè Bensamεε kɔβε kè be dootitòbèε keè bèè konní Babidɔnni bè máámè ti Yiè nKuyie nyIsidayεeribe tũ nkù cĩètè, ² kéíté kékɔte káyà Sodobabεedi nè Sosuwee nè behεikènkótìbè mabè

ké bè nàké ke dò: Ti dó ke di wënnénèmu kè ti maá Kuyie ncîètè, ti tǔmmu di kó Kuyie. Nè Asidii kóo kpààti Eɗi-Adonni ti tǎnǐmè die nti kù feumu iwũɗ.

³ Sodobabɛɛdi nè Sosuwee nè Isidayɛɛribɛ kó bekótíbè kè bèe bè nàké ke dò: Dè báá yie nkè tí wënné tǐnti nè dǐndǐ kémaá ti Yiè nKuyie nti tǔ nkù tɛcǐètè. Tǐi dò nké tɛ maá timáà. Pɛɛsi kóo kpààti Siduusi weè ti duó ndinù.

⁴ Kè diheì kɔbe íté kécómmú ke bo yárikùnnɛ Sudaa kɔbe kǎnti ké bè ānné kufɔwáá nkè bèe yóu mumarimù. ⁵ Kè bèe yietí Pɛɛsi kóo kpààti tǎmbè kè bè bo cónné nKuyie ncîètè marimù kó mutǎmmú. Kè bè mme nhɔ Siduusi kpàti timou miɛke kɛtannènko Dariyuusi kpɛti miɛke.

Bè nàkémè okpààti Aditakisɛsi Sifubɛ kpéi

⁶ Okpààti Siduusi kpàti ketírí diì mǎnni ndi Sifubɛ dootitɔbè wǎrimè dipátíri kɛwátí Sudaa tenkè kɔbe nè bèè bo Sedisadɛmmu.

⁷ Aditakisɛsi tu diì mǎnni Pɛɛsi kóo kpààti, kè Bisidammu nè Mitidedati nè Tabɛɛdi nè be tǎntitɔbè mabè, kè bèe ò wǎri dipátíri nè Aramu eì kɔbe kó tináànti.

⁸ Kè Deummu kùmàndáà nè opátíwǎàti Simisaii kè bè múnke wǎri dipátíri okpààti Aditakisɛsi bèè bo Sedisadɛmmu be kpéi nke dò:

⁹ Mí nkùmàndáà Deummu nè opátíwǎàti nè titǎntitɔbè bèè bo Dinni eì nè Afadisataki nè Tadipedi nè Afadasi nè Eɗɛsi nè Babidǎnni nè Susi nè Dena nè Edammu de kó yehékè kɔbe, ¹⁰ nè ibotí tɛi okpààti diɛwè Asinnaɓaa do pǐrímúní bè ké bè kànnɛ Sammarii nè kukó nhɛfadati yáà kó yehékè tɛyè.

11 Nte bè do wàri dìi pátíri kédúó nhokpààti Aditakisési ke tú: Tínti a kó betōmbè nè bèè bo kukó nyàà nè betōbè, tîi da wàri di mpátíri, 12 ke dó ké da náké kètú Sifube bèè ìténí a cie ke konní Sedisadεmmu bè wète ke maámu dihei dìi do yete a kpeti, dihei yonkuri, bè íinkomu iduotí ke dammù ke bo dǔú ndipũũ. 13 Okpààti, á nyé ke dò nkè bè wète ke dì maá ke íi ndi duotí di nìtìbè ténke í yóó nyietì dàm póò yoo dihei kó idíítí yoo tipotantì kp̄eyi de mǎnnì a nyé ke dò nha èi cītemu. 14 Dεε te tínti bèè tu a kpààtiyuu kǎbe ke da mǎkenè metaummè dè í ti naati bè bo da sènkèrìmè, dεε te kè ti dó ké tì nda náké. 15 Kàa fié dihei kó yepáte de kó benìtìbè kó tináàntì káyà de kó dihei do yetemu bekpààtìbè kpeti kéndǎari bè í dó dè, bè baa yetírímu bekpààtìbè nè bè bomè, dεε do te kè bèe pǎnte be èi. 16 Tì da náámmu ke tú kàa yóu kè bè wète ke maá dihei ke íi nyiduotí a ténke í yó mmǎke ketenkè kukó nyàà.

Okpààti Aditakisési bè ténémè dipátíri

17 Memme kòo kpààti wàri ké bè téné ke dò: Mí nhokpààti mîi wàri di mpátíri kùmàndáà Deummu nè opátíwǎàti Simesaii, nè betōntitōbè bèè bo Sammarii nè betōbè bèè bo kukó nyàà mîi di dǔunko.

18 Dipátíri di n duǎnní dì, bè dì nni nkàammu ke n cǎí. 19 Kè n duó nkè bè fié yepáte ke sǎ nde kó dihei nè dì bomè di í yíé mbekpààtìbè kpeti, ke ãà yekpàrè bá dìi mǎnnì ke yetírí bekpààtìbè. 20 Bekpààtìdiebè do buotémmu Sedisadεmmu kémbaké kukó nyàà kó yehékè kè bè mbè yietì dàm póò nè iheikèndíítí nè tipotantì kp̄eyi. 21 Nè de kpéí duǎnnè ké bèe cónné

mutōmmú ke báá sɔɔtɛ mumarimù kénkémùnè m bo wɛtɛ kéduóm̄mè dinùù. ²² Dí ndakɛ ke báá wánnè de kó tináaànti kè mɛɛ dɔkɛ de kó mɛcaarimè bo nsɔké ke déúkú kè dè ti yonkenè tínti bekpààtibè.

²³ Bè kàa ndì m̀nnì okpààti Aditakisesi wàri d̀i pátiri kùmàndáà Deummu ìkè nè opátíwáàti Simɛsaii nè betōntitɔbè kè bèe íté mɛcãã kékɔtɛ Sedisadɛmmu Sifubɛ borè ke neinè behããpòmbè kécónné mutōmmú nè muwɛrímú. ²⁴ Mɛ̀m̄mɛ Kuyie nɔ̀fɛ̀tè marimù kó mutōmmú còmmúmè Sedisadɛmmu, kécóm̄mú kè dè yàà tuɔkenè Pɛresi kóo kpààti Dadiyuusi kpàti benni d̀eri.

5

Bè wɛtɛ kɛsɔtɛmè Kuyie nɔ̀fɛ̀tè kó mumarimù

¹ Kè Kuyie mpããnáaànti náam̄bè Ido bire Sakarii nè Asee, kè bè mbè nàá nKuyie mpããnáaànti Sifubɛ bèè bo Sudaɔ tenkè nè Sedisadɛmmu. Kè bè bè nàá nKuyie nyɪsɪdayɛɛribɛ tũ nkù kùù bè baké kù bè nàké tì. ² Mɛ̀m̄mɛ Sodobabɛɛdi Seditieri bire nè Sosuwee Yotisadaki bire kè bèe íté kɛp̄ɪ nKuyie nɔ̀fɛ̀tè mumarimù Sedisadɛmmu miɛkɛ, kè Kuyie mpããnáaànti náam̄bè bè bonè ke bè teénnè.

³ De m̀nnì kè kukó nyàà kóo kùmàndáà Tatennaii nè Sedaɔ-Bosinaii nè betōntitɔbè, kè bèe kɔtɛ kɛbeke Sifubɛ ke d̀: We ndi duó ndinùù kè di maà Kuyie nɔ̀fɛ̀tè ke íinko iduotí? ⁴ Di yètè tu ba díndi bèè maà dihèi ke íinko iduotí?

⁵ Kè Kuyie m̄mɛ nní m̀bonè Sifubɛ kó bekótíbè bá bè í cònné be tōmmú, kè bè nsɔké mutōmmú kékémùnè bè bo duóm̄mè okpààti Dariyuusi yɛpáte kòo bè tɛ́nné o kperi de kó tináaànti ìnkè.

Sifube dootitabè wàri dìi pátíri ke duó nDariyuusi

⁶ Nte dipátíri kukó nyàà kóo kùmàndáà Tatennaii nè Sedaa-Bosinaii nè betõntitabè bè do duó ndiì pátíri Dariyuusi. ⁷ Nte bè do di wàri mèè botí: Okpààti diewè Dariyuusi ti da dũnkomu, mbo kè dè naati.

⁸ Okpààti ti dó ké da náké ke tú: Ti kòtemu Sudaa kɔbe kó dikari Kuyie nciētè borè ke sɔ mbè mà Kuyie nciētè nè yetárè ke commu yesãnkè imarí cuokè ke pĩ mmutõmmú mesàà nkè mù kèrí. ⁹ Kè ti beke bèè ni mutõmmú, wèè bè duó ndinùu kè bè mà Kuyie nciētè ke íinko dihei kó iduotí? ¹⁰ Kè ti bè biéké be yètè ke yè wàri ke bo yè nda duó. ¹¹ Kè bè ti tẽíné ke tú, bè tu Kuyie nkùu baké keĩnkè nè ketenkè ku kɔbe mbe, kè be kóo kpààti diewè mɔu wèè do màá Kuyie nciētè nè dimònni. ¹² Kè be yembèè cààrè Kuyie nkùu bo keĩnkè kè ku miekeè bè yè, kè kùu duó nkè Kandee kɔbe kóo kpààti Nebukannesaa wèè bo Babidõnni kòo bè pònte ke taunnè Kuyie nciētè ké bè kònnè Babidõnni kè bè ntú tidaati. ¹³ Mèmme okpààti Siduusi kpàti benni ketiri mieke kòo duó ndinùu ke dò bèè wète ké tè màá. ¹⁴ Kòò tũóté Kuyie nciētè nenti mesɔ nnè timáti péiti okpààti Nebukannesaa do tũóté ti Kuyie nciētè mieke Sedisademma kékònnè Babidõnni kètanne tebɔɔciētè, kòo ti duó Sesibasaa wèè tu be kóo kùmàndáà. ¹⁵ Kòo ò náké ke tú wèè tũóté de kó tinenti kékòtenè Sedisademma Kuyie nciētè borè kéwète ké tè màá te fòtìri. ¹⁶ Mèmme kè Sesibasaa kòte ke pũúté Kuyie nciētè Sedisademma kè bè kpaá ke tè màà, bá tè í dèè. ¹⁷ Okpààti kàa bo

ye mbèe fié Babidōnni kóo kpààti kó yepáte kényà kè nsà kòo kpààti Siduusi mènke do duó ndinùù ke dò bèe wēte kémaá Kuyie ncīètè Sedisadēmmu. Kè bè dèè okpààti, á ti náké a yèmmè dōmmè de kó tináànti ñnkè.

6

Okpààti Dariyuusi bè tēñné ti

¹ Mēmme kòo kpààti Dariyuusii duó nkè bèe fié Babidōnni èi kó tinentì nè yepáte yèè tō dihèi kó tináànti duó duó sii cēi miēke, ² kényà kupátíkōnkù makù Medii kó kutempē Ekibatanni èi kó tēcēkpetè matè miēke, kè kù cití ke wàri ke tú: Nte tìi dāò.

³ Okpààti Siduusi kpàti benni ketirì miēke kòo duó ndinùù ke dò: Bèe wēte kémaá Kuyie ncīètè Sedisadēmmu te fōtìrì te pūū borè, kè bè nfeu Kuyie nyiwūō te miēke, bèe tè maá kè te cómmè mbo mētìribè sipísitāāti, mepēkùmè mēè máà. ⁴ Bèe cónné titāpìètì icuó itāāti tidabēeti kucuó kùmáà, okpààti kó ditōu kó idíítì ìi yó nyietì te marimù kó idíítì. ⁵ Kè dèè tukúnè Kuyie ncīètè kó tinentì, mesō nkpeti nè timáti péítì kpeti okpààti Nebukannesaa do tōní tì Sedisadēmmu kékonnènní Babidōnni bèe tì tēñné Sedisadēmmu Kuyie ncīètè bá kùù nenkù ku fōtìrì.

⁶ De kó difōnkúò kè okpààti Dariyuusii wāri dipátìri kukó nyáà kóo kùmàndáà Tatennaii nè Setaa-Bosinnaii nè betōntitōbè ké bè náké ke dò: Di bá mbè kōōnnè. ⁷ Yóunè Sifube kóo kùmàndáàbè nè Sifube kó bekótìbè kè bè mpī mbe tōmmú kémaá Kuyie ncīètè te fōtìrì. ⁸ Nte di yó mpī mmèè botí mumarimù kó mutōmmú: Díndi kukó nyáà kōbe di

kó diheì kó ditəu di yietì dàm্পòò kè ìì taà, di yó nyi nyietì betǎmbè ke báá kǔnté. ⁹ Kè di ndake kénduò nyikuó niùbè dè bè bèkú dè bá diì yiè. Yenaadapàà nnè yepedakè nè yepedabe bè yó nfeu dè Kuyie nkùù baké keĩnkè nè ketenkè ke tuò, ké nkù pǎännè tidiiì nè mukókúú nnè menàà nnè mekùò. ¹⁰ Kè di nfeu Kuyie nkùù baké keĩnkè nè ketenkè iwũò ke tuò, ku dake dó yèè pǎrè kufòòku kpeye ké nkù bàännè okpààti kpéí, wenwe nè o bí kè bè nfòù. ¹¹ Kè wèè yete de kó dinùù bèe deite o cǐètè kó kudú kóò tǎnné kòo cǐètèe naá nditápùò. ¹² Kòo kpààti mǎu yoo kubotí makù yete n dǎú ndii nùù, ke di pèénnè ke pǎnte Kuyie ncǐètè Sedisademmù bè yu dè ku yètiri, Kuyie nku mómmənkù kuù yóó ò poté. Mí nhokpààti Dariyuusi mí dǎú nde kó dinùù ke di dò nkédòò weti weti.

¹³ Mèmmè kè kukó nyáà kóo kùmàndáà Tatennaii nè Setaa-Bosinnaii nè betǎntitǎbè kè bèe tǔnne okpààti Dariyuusi dǎú ndii nùù weti weti.

Bè do kpetémè Kuyie ncǐètè pàntè

¹⁴ Kè Sifube kó bekótibè bie nsaké be tǎmmú kéntǔ Kuyie mpǎānāàntì náam̄bè Ido birɛ Sakarii nè Asee bè do bè nàké tì, kédeè Kuyie nyIsidayeɛribe tǔ nkù cǐètè mumarimù kù do bè nàké ke yè ndè ndòmmè. Nè Pɛɛsi tenkè kó bekpààtibè Siduusi nè Dariyuusi nè Aditakisɛsi bè do bè duó ndii nùù. ¹⁵ Kè bèe deè Kuyie ncǐètè mumarimù okpààti Dariyuusi kpàti benni dikuónni, otǎnkù

bè tu wè Adari * o yiè tǎǎnnì. ¹⁶ Isidayεεribe nè ikuó niùbè nè Defiibe sɔmbe nè betɔbè bèè do ité Babidɔnni kékonní Sedisadεmmu, kè bèε ānné dibanni, kényānkunè diwèi bè maámè Kuyie ncīètè ke dèè. ¹⁷ Kè bèε fíé ku cīètè kpetímù kpéi yenaadakè tekòutè (100) yepedakè sikɔusidé, (200) yepedabe sikɔusinàà (400), kényíénè yebɔdakè tepíitè nè yèdèé Isidayεεribe bá kùù wuɔ kó meyei ncīémmè kpéi. ¹⁸ Kòò kanne ikuó niùbè be tǎnti be tǎnti nè Defiibe sɔmbe bè dò nkémpí mmèè botí Kuyie ncīètè mieke mutómmú Sedisadεmmu. Kè bè ntū nti wàri Mòyiisi páte mieke ke yé ndè ndómmè.

Bè baámmè diyentébanni

¹⁹ Dibenni pànni kóo tǎnkù ketiwè kó diyie tepíitè nè dinaanni bèè kó dimàà do konní Sedisadεmmu kè bèε baá ndiyentébanni. ²⁰ Ikuó niùbè nè be tebií Defiibe kè bèε wēnné kédòò mēwénkùmmè kó ikuó kēwénkùnnε bεmàà kēfié diyentébanni kó iwūɔ bèè konní Babidɔnni be kpéi nnè bεmóm̄m̄m̄m̄be be kpéi, ²¹ kè bèε wēnné kēdi diyentébanni kó mudii nè bèè do tú tidaati Babidɔnni ke konní, nè bèè do kpaá dihei kēyatεnè bεmàà yehékè teyè kɔbe dɔori mēè yei, kēwammú ti Yiè nKuyie nyIsidayεεribe tū nkù. ²² Kè bèε sɔoté kēmbaà mpéèbè bèè í kɔɔrénè mutie mùù muuti be kó dibanni ke nyānkunè diwèi ke dò yewe yeyiekè. Ke yé ti Yiè nKuyie ndo bè dòòmè mesàà nkékááké

* **6:15** Adari: Bè do kaa mmèè botí be kó betààbè nè ti kaammè yie ndè í wē. Be kóo tǎnkù Adadi berínè ti kó betààbè odéri nè tǎánwè de cuokè nke (dewannè nè tibénti de cuokè).

Asidii kóo kpààtì yèmmè kòo bo bè teennè Kuyie bembε Isidayεεribε bè tū nkù cīètè marimù.

7

Ikuó niùtì Esitadasi kó tináàntì

1-6 Pεεsi kóo kpààtì Aditakisési kó tikpàtì miεε nke onìtì bè tu wè Esitadasi ò konnìmè Babidònni. Ò do tú ikuó niùtì diεwè Anòó kó kufuku kou mòu nwe. Weè peité Pinasi kè Pinasii peité Abisuaa kòo peité Bukii kè Bukii peité Uusii kòò me ntó peité Sedaya kè Sedayaa peité Mεdayəti kè Mεdayətii peité Aitubu kè Aitubuu peité Sadəki, kòo peité Sadummu, kè Sadummuu peité Idikiya, kè Idikiya peité Asadia, kè Asadiaa peité Sedaya, kòo peité Esitadasi. Bè do bè pīrmú kékonnè Babidònni, kè wè wεte kékonnì Sedisadεmmu. Esitadasi do tú wèè yé wènwε Kuyie nyIsidayεεribε tū nkù kuó, kù do duó nyi Məyiisi. Kè Kuyie nní nhò bonè kéduó nkè Pεεsi kóo kpààtì ò duó nwè ò beké dèè kó dimàà. ⁷ Dè do tú okpààtì Aditakisési kpàtì benni yiénnì ndi Isidayεεribε miεε, kè ikuó niùbè mabè nè Defiibe nè bedèmbè nè bèè bàa yebòrè nè bèè tu betōmbè Kuyie ncīètè miεε bè tūòkenímè Sedisadεmmu. ⁸ Dii benni yiénnì kóo tǎnkù nummuwè miεε nke Esitadasi konnìmè Sedisadεmmu. ⁹ Ò do ité Babidònni dibenni tǎnkù ketiwè kó diyie ketiri ndi, kè Kuyie nní nhò bonè kòo tuəke Sedisadεmmu nè kusààkù otǎnkù nummuwè kó diyie ketiri. ¹⁰ Esitadasi do duó nho yèmmè mme kénkaa ti Yiè nKuyie nkuó pátiri ke dəori ì yèmmè, kėtié nyIsidayεεribε Kuyie nkuó nè ku tannò.

Okpààti Aditakisesi do duómme mutōmmú Esitadasi

¹¹ Nte okpààti Aditakisesi do duó ndii pátíri Esitadasi wèè do tú ikuó niùti, ke wãũ Kuyie nkuó nè ku tannò ke dè tiè nyIsidayeeribe. ¹² Kè de kó dipátíri wàri ke tú: Mí nhokpààti diewè Aditakisesi múi wàri dipátíri ke da ddu nfó nhEsitadasi Kuyie nkùù baké keĩnkè nè ketenkè ku kuó niùti wèè ì wãũ.

¹³ N duómme dinùù ke tú bèè kó dimàà bo n kó dikpààtiyuu mieke ke tú Isidayeeribe, ikuó niùbè yoo Defiibe ke dó kékò nSedisademmu bè bo na ké da neinè. ¹⁴ Mí nhokpààti nè nh èi kó betũmbè bèyiekè tũ wēnné ke da duónko Suda kabe tenkè Sedisademmu, kaa bo ya kè nsà kè bè tũ nKuyie nha tũ nkù kuó pátíri a tɔ di yēmmè. ¹⁵ Kaa bo ntɔ mí nhokpààti nè n kó betũmbè ti yēmmè kó yepãrè mesɔ nnè timátì pèitì ti pã dè Kuyie, kùù cĩètè bo Sedisademmu, Isidayeeribe tũ nkù. ¹⁶ A múnkèe cuónè Babidanni kó kutempè nkabe ikuó niùbè nè cénkoo kabe duó nyèè pãrè kè yè bo kò nSedisademmu nKuyie ncĩètè kpéi, yèè tu timátì pèitì nè mesɔ. ¹⁷ Nè de kó timátì pèitì nti, a bii yóó doñnèmè yenaadakè nè yepedakè nè yepedapàà nnè tidiitì nè menaà dèè ò̃ kɔrenè, kaa dè tũ ndiwũtànni ìnkè Kuyie ncĩètè mieke Sedisademmu. ¹⁸ Timátì pèitì nè mesɔ ndèè bo nkpaá dí dè dònè di dómè f́ nnè a tebí kéntũ nKuyie di tũ nkù dómè. ¹⁹ Kuyie ncĩètè nenti bè da duó ntì ku cĩètè tōmmú kpéi, ntɔ ti ké kù duó nku cĩètè Sedisademmu. ²⁰ Kè dèmarè kpaá ke dò nkédò Kuyie ncĩètè kpéi a baá okpààti kó didítítu

mieke ké dè dòò. ²¹ Mí nhokpààti Aditakisési m mómumu, mmíi duó ndinùu kukó nyàà kó sidíticéí simou ke tú kè ikuó niùti Esitadasi Kuyie nkùu baké keĩnkè ku kuó wãàti di beke dèè kó dimàà dí dè nhò duó nke báá ɔɔte. ²² Dí ò duó ntimáti péiti cìdòòbè sikoupiisitàati (3000) tidiiti cìdòòbè sikoupiisitàati (30000), menaà nyedíe nsikoupiisìnàà (4000), mmekùò nyedíe nsikoupiisitàati (3000), di pã mukókúó ndi dó dè mmamè. ²³ Kuyie nkùu baké keĩnkè nè ketenkè kù bái ndi nùu ku kó benitibè dò nké di dòòmu nè tikɔnyauti, kè dèe yie nkè ku mieke báá ti do, mí nnè m bí nè n kpààtiyuu. ²⁴ Nte dinùu tɛrì n di duó ndi: Ikuó niùbè nè Defiibe nè bedèmbè nè bèè bàa yebòrè di bá mbè còú dàmpòò nè ihèikèndíííí nè tipotanti kpeyi, bèè kó dimàà pĩ mmutómú Kuyie ncíètè.

²⁵ Fó nha mómumu Esitadasi, nè Kuyie nda duó mmèè cii mmieke á ànné Kuyie nkuó wãàbè nè bebeémbè bèè yó mbekùnè kukó nyàà kó benitibè bemou. Bèè kó dimàà yé Kuyie nkuó kè bèmabè í ì yé dí ì mbè tié. ²⁶ Kè wèè yete ke í tũnne Kuyie nha tũ nkù kó ikuó yoo mí nhokpààti kpeyi, bèe yũs̄ nho to, kòò dò nkékuomu, bèe ò kùò. Kè bè bo ò dènnè o kɔbe cuokè bèe ò dènnè, kòò bo yietímu wèe yietí, kè bè me mbo ò kpetínnému bèe ò kpetínné.

Esitadasi sãntemè Kuyie

²⁷ Kè Esitadasii sãnte ti Yiè nKuyie nke dò: Ti Yiè nKuyie n yembè do tũ nkù yètìrì ñdeu. Kuù ànné okpààti meyèmmè ò bo déúkunnemè ku cíètè tèè bo Sedisademmuu. ²⁸ Kuù duó nkòo kpààti nè bèè tu o kó betũmbè nè bèè tu bekperíbè o kpààtiyuu mieke

kè bè n dḡḡ mēsàà. Mí m móm̄muḡ nkè m múnkεε túóté tikḡnyauti, ke yé ti Yiè nKuyie nni mbonèmè. Mem̄me kè n tíi nyIsidayεeribe kó bekótíbè kè bè n neinè kékonní.

8

Bèè do neinè Esitadasi kékò nSedisadεmmu

¹ Kè Esitadasii béi nke dḡ: Nte tíi naàmùntì kḡbe do n neinè n yíté dii mḡnnì ke nkūnti Sedisadεmmu okpààti Aditakisesei kó dimḡnnì. ² Bèè tu:

Kedisḡmmu Findee naàmùnkou
nè Etamaa naàmùnkou,

Danniyεeri nè Atuusi Dafiti naàmùnkù kou,

³ nè Sekanniya nè Padosi naàmùnkù kḡbe nè Sakarii kḡku kè bè m̄bo bεmḡu benitidaabè tekḡtè nè sipísìnùmmù (150), ⁴ nè Pasati-Mḡabu naàmùnkù kḡbe nè Ediyoyennaii naàmùnkù kḡbe nè Sakarii naàmùnkù kḡbe kè bè m̄bo benitidaabè sikḡusidé (200).

⁵ Sekanniya Yasiyεedi naàmùnkù kou Satuu yaàbí kè bè m̄bo bεmḡu sikḡusitāāti (300).

⁶ Adinni naàmùnkù kḡbe, Ebeedi Sonnatāā yaàbí, kè bè m̄bo benitidaabè sipísìnùmmù.

⁷ Edammu naàmùnkù kḡbe Yesayaa Atadii yaàbí kè bè m̄bo benitidaabè sipísìyiekè.

⁸ Sefatia naàmùnkù kḡbe Sebadia Mikayεedi yaàbí kè bè m̄bo benitidaabè sipísidé.

⁹ Soabu naàmùnkù kḡbe Abudiasi Yeyεedi yaàbí kè bè m̄bo benitidaabè sikḡusidé nè tepíítè nè bèni (218).

¹⁰ Yedomiti naàmùnkù kḡbe Yosifia yaàbí kè bè m̄bo benitidaabè tekḡtè nè sipísikuḡ (160).

¹¹ Bebaii naàmùnkù kḡbe Bebaii yaàbí kè bè m̄bo bεmḡu benitidaabè sipísidé nè bèni.

¹² Asikadi naàmùnkù kou Akatanni yaàbí kè bè ríbo benitidaabè tekùtè nè tepíítè (110).

¹³ Adonnikammu naàmùnkù kòbe bètāāti bèè do tú besámpóbè Edifedee nè Yeiyeedi nè Semmaya kè bè ríbo benitidaabè sipísikuò.

¹⁴ Bikibaii naàmùnkù kou Utaii nè Sabudi yaàbí kè bè ríbo bemou benitidaabè sipísiyiekè.

Esitadasi nè o kòbe bè bàátímè ke bo wētení Sedisadēmmu

¹⁵ Mēmme kè n tí mbenìtìbè kukó nkùù pũ ò nke kòrì Aafa eì ku borè kè ti ndè bo ke dò yewe yètāāti, kè n wéi benìtìbè nè ikuó niùbè bá n yí nyà Defii wuò nkòbe. ¹⁶ Mēmme kè n tō nkè bèe yúni bekótìbè Ediesee nè Adiyēeri nè Semmaya nè Edunatanni nè Natāā nè Sakarii nè Mesudammu kényiēnè Yoyadibu nè Edinatāā tòu, bedé bèè do tiè nKuyie nkuó. ¹⁷ Kè m bè tō Kasifia kóo kpààti Ido borè nè o tebíi ke dò bèe bè nàké kè bèe duōnní betōmbè bèè bo ti teennè mutōmmú Kuyie nti tū nkù cīētè miēke. ¹⁸ Kè Kuyie nní nti bonè, kòo ti duōnní Sedebia, onìtì wèè màke meyèmmè. Ò do tú Madi bí kó dēmarè nde Defii bire, Sakòbu yaàbire nè o bí nè o tebíi kè bè ríbo benitidaabè tepíítè nè bèni. ¹⁹ Kè bèe yíēnè Asabia nè o nantè Yesaya Medidaa bire nè o yaàbí, kè bè ríbo benitidaabè sipísidé. ²⁰ Dafiti nè bekpààtìbè tóbè bè do tāāté bè kè bè ríbo benìtìbè sikòusidé nè sipísidé (220) kè bèe bè duó nDefiibe, kè bè bo mbè teennè mutōmmú Kuyie ncīētè miēke kè bèe wāri be yètè.

²¹ Deñde Aafa kó kukó mborè n dōummè menùboummè kó dikātìrì kè ti bo bou ndinùù kékékunne timáà Kuyie nyìlkè, kè ti cēmmu nnaati kè tí tuòkenè diwèi, tínti nè ti cēi kòbe nè ti

kpere. ²² Ifei ìì do m bonè m bo bekemè okpààti behããpànsãndèèbè kè bè ti cíe, ké nti kãnké ti dootitabè. Ti do die nkénákému okpààti ke dò: Kuyie nhõ mbonèmu bèè kù waà, kè bèè kù yete ku mièke dièkèe do be ìnkè. ²³ Mèmmè kè tí boú dinùù kékúónnè Kuyie, kè kùu còuté ti báammì kè ti teennè.

²⁴ De kó difõnkúò kè n tããtè ikuó niùbè mièke bekótíbè tepíítè nè bèdébè kényíénè Sedebia nè Asabia nè be tebii mièke benitibè tepíítè. ²⁵ Dènde be ìikè m bennémè timáti péítì nè mesòo nnè tinenti okpààti nè o tũmbè nè o eì kó bekótíbè nè Isidayeeribe bèè dè bo bè do pãmmú yèè pãrè Kuyie ncíètè kpéí. ²⁶ Kè dè mbo timáti péítì tónni sipísidé, timáti péítì kó tinenti sààti tónnibè bètããti mesòo ntónni bètããti. ²⁷ Yesòobò sipísidé kè yè donku mànnè medítibii ntekoupiítè (1000) nè disòowũò kó ibòòke idéí kè ì wenni ke mièti ke dõnnè mesòo nsàámè kè i donku kpeñni. ²⁸ Kè m bè nàké ke dò: Bè di cànnè mèè botí kè di tú ti Yiè nKuyie nkòbe ke pĩ nku tómmú, tinenti bè múnke ti cànnému kè ti tu ti Yiè nKuyie nkpeti, kè bè ti pĩnnè Kuyie ndi yembè do tũ nkù tómmú. ²⁹ Dí nti tò mesàà nké ti tũòkenè Sedisademmu kè ti benné ikuó niùbè diebè nè Defiibe nè Isidayeeribe kó bekótíbè ìikè, kè ti dòú nSedisademmu ti Yiè nKuyie nti tũ nkù cíètè mièke.

³⁰ Mèmmè ikuó niùbè nè Defiibe kè bèè túóté de kó timáti péítì nè mesòo nnè tinenti bè benné ti kè nti tò kétuòkenè Sedisademmu Kuyie nti tũ nkù cíètè.

Bè kètémè nè bè tũòkemè Sedisademmu

³¹ Dibenni tãnkù ketiwè kó diyè tepíítè nè didèri yie ndi ti do ìtémè Aafa kó kukó mborè kénkòri Sedisademmu. Kè Kuyie nní nti bonè kuce ké nti

kānké ti dootitabè nè beyóóbè bo ti dintémè kuce,
³² kè tí tuakení Sedisademmu ke dò yewe yètããti ke
 ompu. ³³ Diyè naanni yiè kè tí benné timátì péítì
 nè mesəə nnè tinentì Kuyie ncīètè mièke, kè tí dè
 duó nyikúò niùtì Odià birɛ Mɛdimɔti, kè Pinasi birɛ
 Edeasaa ò bonè, Defiibe wuɔ nkɔbe Sosuwee birɛ
 Yosabati nè Binnuii birɛ Nɔadia kè bè bɛ bonè. ³⁴ Kè
 ti dè kàa ndeməu, ké dè benné kè dè cɛ́ékù mma kù
 do mamè.

³⁵ Bèè kó dimàà ité Babidɔnni ke konní
 Sedisademmu kè bèe fíé iwũɔ ti Yiè nKuyie
 nyIsidayɛɛribe tũ nkù kɛtuɔ, yenaadakè sipísidé
 nè yédéé Isidayɛɛribe wuɔ nyiməu kpéi, yepedakè
 sipísiwei nè yékuò (96), yepedapàà nsipísiyiekè
 nè yèyiekè (77), yebɔdakè tepíítè nè yédéé meyi
 ncíém̄mè kpéi, deməu kè bèe dè tũ. ³⁶ Kè bèe
 deè kè n náké beheikènkótibè nè kukó nyàà kóò
 kùmàndáàbè kè bè bo ndake ké n teénnè Isidayɛɛribe
 bèè pī nKuyie ncīètè kó mutōmmú.

9

Isidayɛɛribe do tũókémè benitipòbè bèè í tũ nKuyie

¹ Kè Isidayɛɛribe kó bekpààtibèe katení m borè ké
 n náké ke dò: Isidayɛɛribe beməu ikuó niùbè nè De-
 fiibe bèè í yàtenè bemáà ibotí tɛi, bè teetè Kannahãã
 kɔbe mbe nè Itiibe nè Pedisiibe nè Sebusiibe nè
 Amɔniibe nè Mɔabiibe nè Esibiti kɔbe nè Amɔriibe
 bè dɔ̀̀rri mèè yei mme. ² Bembe nè be bí bè tũóké ibotí
 tɛi kó besapàmbè mbe ke puoke, bembe bèè tu Kuyie
 nkɔbe ke kɔkénè bèè í tũ Kuyie nkɔbe. Be kpààtibè
 nè sikpààtibíi bèè tu beketibè ke ta de kó mɛdɔ̀̀r̄imè
 yeime mièke.

³ N kèè diì m̀nni de kó tináànti kékèrí n yààti kéfõri n yùti nè n deènfè, kénkari kè n yèmmè cààrè. ⁴ Kè kufõwaá nhauté benitibè mabè Kuyie nyIsidayeεriβε tũ nkù yàà bo bè potémè kè bè ntíkú m borè, kè nní nkari dikũnweñni kè dèε tuαkenè bè ãã fié diì m̀nni kuyuoku kó iwũã.

Esitadasi bàammè Kuyie nyIsidayeεriβε bemau kpéí

⁵ Dè tũðke diì m̀nni bè bo fié dè kuyuoku kó iwũã kè n yíténí n do kari dè nè meyeñcaàrimè ke baa dáátí tiyaakētíti kédoroo kénínkú kέyoute n nou n Yiè Kuyie mbíékè kέ kù bántè ke dò: ⁶ N Yiè nKuyie, ifei ìì m bo n yí dàátí ke bo mbúó a bíékè ti cààrimè meè deuke ke sènté ti yò, kè ti yei nyotí ke káá ntiwetì. ⁷ Nè ti yembè kó dim̀nni nè yíenní ti caàrimè í sénní deè te kè ti dootitòbè ti na tínti nè ti kó bekpààtibè nè ti kó ikuó nùbè, ke ti kòu kè ti naá ntidaatì kè bè fèkù ti kperε kè ti ta ifei mieke, dè mè mbo ke ti dòmmè yíe. ⁸ Kè dè í tú di m̀nni ti Yiè nKuyie a me nti kuómmè mesémmè ke duó nkè bèmabè yenté, kàa ti kànnε a cànné diì bòri ti kpéí ndim̀nni sám̀pòri mieke kè ti yèmmè càté kàa ti om̀p̀nnε. ⁹ Bá nè ti me ntúmè tidaatì, ti Yiè nKuyie nha í ti dootóo, f́õõ duó nkè ti m̀ke metaummè sààmè nè Peresi kóo kpààti, kòò ti pã kuce kè ti bo íi nha cĩètè tèè do, kémòote ti bo mborè Sedisadεmmu Sudaa tenkè mieke.

¹⁰ Ti Yiè nKuyie nkè tiì nti tũðkení ti bo yí ba? Ti yete mèè kpéí nke a nù ¹¹ a do nàké di a pãñáànti náam̀bè kè bèε di wàri, diì tu: Dihèi di tati di ke bo di tieke, di tu dihèi meyei mbo di ndi, benitibè bèè di bo bèε d̀ori isòke dihèi dim̀ou mieke. ¹² Nè de kpéí di báá bè duó ndi kó besampàmbè kè bèε puoke, di me mbáá túóké be kó besapàmbè képuó ndi bí. Di

bá nwanti de kó ibotí kó kuyè̀naatí makù bítì, yoo be kó mmèsàà mmamè! Mè̀m̀me di bo kpenkè̀mè kényo ndè̀è tu desà̀arè de kó dihè̀i miè̀ke, kè di bí sòtè kényo de kó dihè̀i kó desà̀arè sáà. ¹³ Ti yei nnè ti yetímè deè sũũ ndeè te kè tìi nti tũ̀kèní, nè mèmme ti Yiè nKuyie mbá a í yṹs nti to a do dò nké yè yṹs mmè, ke ti sùò mbe nnitìbè. ¹⁴ Ti ténke báá yie nkécaàrè a tannò kétaunnè timáà bebofèúbè kéntóú be kó besapàmbè ke puokú a miè̀ke yàà bo ti yè kàa ti kuò páíí bá a báá sús nhòmòù. ¹⁵ A wetímu f́s nti Yiè nKuyie tínti Isidayèeribe ti tũ̀ nkù, deè te kè ti kpáá yíe nke bo a ìikè. Ti bantému ti caàrìmè, ti kóo mòù do í mánne kénkpáá ke fòù.

10

Sifube bètimè bè do tũ̀ókè bèè nitipòbè ibotí tèi miè̀ke

¹ Kè Esitadasi nnínkú Kuyie ncíètè ìikè ke kuò nke kù bàá nke dáanko be yei, kè Isidayèeribe còm̀m̀ú o borè ditĩnni péu benitidaabè nè benitipòbè nè ibí, ke kuò ntinòhnieti. ² Mè̀m̀me Edammu bire Yeyèedi kó debire Sekanniya nàkémè Esitadasi ke dò: Kuyie, ti caàrèmu ti tũ̀ókémè benitipòbè ibotí tèi ìi bo di nheì miè̀ke i cuokè ke puoke, nè mèmme kuce kpáá bomu tínti Isidayèeribe ti kpéí. ³ Ti dò nkétúóté metáátímè mme Kuyie nyìikè kèbeti ti cuokè ibotí tèi kó benitipòbè ti tũ̀ókè bè nè be bí kéntũ̀ nhokóti Esitadasi nè bèè mòke Kuyie nti tũ̀ nkù kó kufõwaá mbè bo ti duò ndìi nùù. Ti yó ntũ̀ Kuyie nkuó yèmmè mme. ⁴ Á íté kécóm̀m̀ú! F́sò te de kó mutõmmú a bá nyĩèkù ti bo a f́nkúò ndi, pí mmutõmmú.

⁵ Kè Esitadasii íté kécómmú kédúó nkè ikuó nìùbèè parìkè. Kè Defiibe parìkè kè Isidayeeriibe bemouu parìkè ke dò, bè yóó dòòmu Sekanniya do búi ntì. ⁶ Kè Esitadasi íté Kuyie ncíètè borè, kékote kéta Ediasibu bire Yoananni dieku kèyié mbá ò í ndi, ò me nyí nyà menie, kòo yèmmè cààrè meyei nho kòbe bèè yenté ke konní bè dòò mè kpéí.

⁷ Kè bèè pīéké Sudaa tenkè mieke nè Sedisademu Sifube bèè kó dimàà konní be kpéí nke dò, bèè tíí nSedisademu. ⁸ Bekpààtìbè nè beheikènkótìbè kè bèè tããté ke tú: Kè yewe yètããti pēēté kè wèè í kàtení metíímmè bèè ò dènne Isidayeeriibe mieke kétúóté o kperè.

⁹ De m̀̀nnì kè Sudaa kòbe bemou nè Bensamee kòbe kè bèè tíí nSedisademu yewe yètããti yenyè mieke ot̀̀nkù oweínwè kó diyìè sipísidé, kè benitìbè bemou ntíkú Kuyie ncíètè ke kpeutí nè de kó tináànì kpéí nè fetaafè nìumè. ¹⁰ Kè ikuó nìùtì Esitadasii íté kè bè nàké ke dò: Di cààrèmu di tùóté dè ibotí t̀̀i kó benitipòbè kè de kó meyei nyíè metēmè ìnkè. ¹¹ Di mm̀̀nnì banténè di cààrimè ti Yiè nKuyie ndi yembè do tũ nkù ììkè, kédòò kù dómè kèyatènè dimáà ibotí t̀̀i kòbe bèè bo di nhèi mieke kèbeti i kó benitipòbè di tùóké bè.

¹² Benitìbè bemou bèè do tíkú kè bèè pīéké ke dò: Ti dò nkédòòmu a búi ntì. ¹³ Ti né sũmu kè dè wète ke tú diyòò, ti báá na kэмbo ditowaà, dè me nyí tú diyìè dimáà kó mutómmú yoo yèdèé, ti í sénní tínti bèè bo de kó meyei mmièke. ¹⁴ Ti kó bekpààtìbè m̀̀bo die nnè ti kó yeyètè, bèè kó dimàà tùóké benitipòbè ibotí t̀̀i mieke kè bè nk̀̀rìnì di bè kèéte yèè we, kénneínè be ekè kó bekótìbè nè bebeémbè, kè ti nkém̀̀m̀̀nè

Kuyie ndo ti yè kèè miεε de kó meyei nkpréi nkè bo bonkemè.

¹⁵ Kè Asayεedi bire Yonnatanni nè Tikifa bire Yasia kè bεè maa yete de kó tináaṅti, kè Mesudammu nè Sabetaii Defii wuε nkou kè bεε bε kònné. ¹⁶ Bá nè memme kè Isidayεeribεε dɔɔ bε do tãáté tì kè ikuó nùtì Esitadasii tãáté sicéí kó bekótibè bá tεε cǐtè kékwarì be yètè, kè bεε kari otãnkù pínwè kó diyie ketiri ke bo yà de kó tináaṅti. ¹⁷ Dibenni teri kóo tãnkù ketiwè kó diyie ketiri do ndi bε dèèmè bεε do tùóké ibotí tɛi kó benitipòbè de kó tináaṅti.

Bè bàtemè bεε do tùóké ibotí tɛi kó benitipòbè

¹⁸ Ikuó nùbè miεε nte bεε do tùóké ibotí tɛi kó benitipòbè be yètè: Sosuwee naàmùnkù miεε Yotisadaki yaabí nè be tebii, Maseya nè Ediesεε nè Yadibu nè Kedadia. ¹⁹ Kè bεε béi benitibè bemau ìkè ke dɔ, bε bo beti be pobè, kékéuté dipedaà meyei nhūtímù kpéi. ²⁰ Imεε naàmùnkù kɔbe Ananni nè Sebadia ²¹ Adimmu naàmùnkù kɔbe Maseya nè Ediya nè Semmaya nè Yeyεedi nè Usiya ²² Pasuu naàmùnkù kɔbe Ediyoyennaii nè Maseya nè Isimayεeri nè Natannεyεedi nè Yosabadi nè Edasaa.

²³ Defii naàmùnkù kɔbe: Yosabadi nè Simmeii nè Kedaya kè betòbè ò yu ke tú Kedita yoo Petayaa nè Yeuda nè Ediesεε.

²⁴ Kè bedembè kó kutãnkù kou mbo weè tu Ediasibu, bεè bàa Kuyie ncǐtè, kè be kó kutãnkù kɔbe mbo bεε yètè tu: Sadummu nè Tedemmu nè Uudi.

²⁵ Isidayεeribe sɔmbe miεε nte bεε do tùóké ibotí tɛi kó benitipòbè Padosi naàmùnkù kɔbe Adammia

nè Isiya Madikia Minyaminni nè Edeasaa Madikia t̄ou nè Bennaya.

26 Edammu naàmùnkù k̄obe: Matanniya nè Sekanniya nè Yeyeedi nè Abudi nè Yedem̄oti nè Edii.

27 Satuu naàmùnkù k̄obe: Ediyoyennaii nè Ediasibu nè Matanniya nè Yedem̄oti nè Sabadi nè Asisa.

28 Bebaii naàmùnkù k̄obe Yeoananni nè Ananniya nè Babaii nè Atidaii.

29 Bani naàmùnkù k̄obe Mesudammu nè Maduki nè Adaya nè Yasubu nè Seadi nè Yedem̄oti.

30 Pasati-M̄abu naàmùnkù k̄obe Adina nè Kedadi nè Bennaya nè Maseya nè Matanniya nè Besadedi Binnuii Manansee.

31 Adimmu naàmùnkù kou Ediesee nè Isia nè Madia nè Semmaya nè Simmeḏḏ,

32 nè Bensamee nè Maduki t̄ou nè Semmadia.

33 Asummu naàmùnkù k̄obe, Matennaii nè Matata nè Sabati. Edifedee nè Yedem̄omaii nè Manansee nè Simmeii.

34 Bani naàmùnkù k̄obe, Madaii Amudamu nè Uyeedi,

35 nè Bennaya Bedeiya nè Keduii.

36 Wanniya nè Medim̄oti nè Ediasibu,

37 nè Matanniya nè Matennaii nè Yasaii,

38 nè Banni nè Binnuii nè Simmeii,

39 nè Sedemia nè Natanni nè Adaya.

40 Makinadebairi nè Sasaii nè Sadaii.

41 Asadedi nè Sedemia nè Semmadia.

42 Sadummu nè Amadia nè Sosefu.

43 Nebo naàmùnkù k̄obe, Yeiyeedi nè Matitia nè Sabadi nè Sebina nè Yadaai nè Yoyeedi nè Bennaya.

44 B̄emb̄e k̄o dim̄à tu b̄èè do t̄ùóké b̄emb̄e ibotí t̄èi k̄o benitipòbè. Kè b̄emabè k̄obeè b̄è piénè ibí.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16